

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 41. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 71. stav (1) Zakona o policijskim službenicima Kantona Sarajevo ("Službene novine Kantona Sarajevo", br. 25/06 i 4/08), Vlada Kantona Sarajevo, na 83. sjednici održanoj dana 19.05.2017. godine, donijela je

ODLUKU

O IMENOVANJU POLICIJSKOG KOMESARA U MINISTARSTVU UNUTRAŠNJIH POSLOVA KANTONA SARAJEVO

I

Mevludin Halilović, glavni inspektor u Upravi policije Ministarstva unutrašnjih poslova Kantona Sarajevo, imenuje se za policijskog komesara u Ministarstvu unutrašnjih poslova Kantona Sarajevo i istom se dodjeljuje čin Generalni inspektor policije.

II

Mandat policijskog komesara traje četiri godine.

III

Ova Odluka stupa na snagu danom donošenja i biće objavljena u "Službenim novinama Kantona Sarajevo".

Broj 02-05-18870-9/17
19. maja 2017. godine
Sarajevo

Premijer
Elmedin Konaković, s. r.

Na osnovu člana 74. Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06, 02/10), člana 7. stav 11. Pravilnika o naknadama za tehnički pregled vozila i drugim poslovima koji se obavljaju u stanicama za tehnički pregled ("Službene novine Federacije BiH", br. 51/06, 26/07, 70/07, 04/10) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 82. sjednici održanoj dana 19.05.2017. godine, donosi

ODLUKU

O KORIŠTENJU SREDSTAVA OD NAKNADE ZA TEHNIČKI PREGLED VOZILA

I

Ovom Odlukom se utvrđuje korištenje 1% sredstava od naknade za tehnički pregled vozila koja se uplaćuje u Budžet Kantona Sarajevo.

II

Sredstva prikupljena po osnovu prihoda od naknade za tehnički pregled vozila koristit će se za održavanje saobraćajne infrastrukture i poboljšanje sigurnosti i bezbjednosti saobraćaja na području Kantona Sarajevo.

III

Ova Odluka stupa na snagu danom donošenja i objaviće se u "Službenim novinama Kantona Sarajevo".

Broj 02-05-18112-28/17
19. maja 2017. godine
Sarajevo

Premijer
Elmedin Konaković, s. r.

Na osnovu člana 26. i člana 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka), a u vezi sa čl. 57., 62., 77. i 78. Zakona o srednjem obrazovanju ("Službene novine Kantona Sarajevo", br. 23/10 i 1/16), Vlada Kantona Sarajevo, na 83. sjednici održanoj dana 23.05.2017. godine, donijela je

ODLUKU

SA KRITERIJIMA ZA PRIJEM UČENIKA U PRVI RAZRED SREDNJIH ŠKOLA KANTONA SARAJEVO

I - OPĆE ODREDBE

Član 1.

(Pravo upisa u prvi razred srednjih škola)

- (1) Pravo upisa u prvi razred srednjih škola imaju učenici sa završenom osnovnom školom, koji nisu stariji od 18 godina, odnosno koji do kraja tekuće kalendarske godine ne navršavaju više od 18 godina života.
- (2) U prvi razred specijalne srednje škole, odnosno specijalna odjeljenja srednje škole, pravo upisa imaju učenici koji nisu stariji od 20 godina, odnosno učenici koji do kraja tekuće kalendarske godine ne navršavaju više od 20 godina života.

Član 2.

(Upis, prijem i obrada dokumentacije)

- (1) Srednje škole vrše upis učenika u prvi razred u skladu sa Planom upisa učenika u srednje škole Kantona Sarajevo, koji na prijedlog Ministarstva za obrazovanje, nauku i mlade (u daljem tekstu: Ministarstvo), donosi Vlada Kantona Sarajevo (u daljem tekstu: Vlada).
- (2) Od školske 2018/2019. godine, Vlada na prijedlog Ministarstva usvaja dokument okvirnog plana upisa učenika u naredne tri školske godine.
- (3) Ministarstvo je dužno, prilikom izrade Plana upisa učenika iz stava (1) ovog člana, konsultovati JU "Služba za zapošljavanje Kantona Sarajevo", te vršiti redovne analize o kretanjima na tržištu rada u saradnji sa Ministarstvom za rad, socijalnu politiku, raseljena lica i izbjeglice Kantona Sarajevo i Ministarstvom privrede Kantona Sarajevo.
- (4) Izmjene i dopune odnosno proširenje Plana upisa iz st. (1) i (2) može odobriti samo Vlada.
- (5) Prijava i upis kandidata u prvi razred srednjih škola provodi se putem Informacionog sistema za online prijave i upis u srednje škole.
- (6) U konkursnom roku kandidat može izabrati najviše 3 (tri) programa obrazovanja/zanimanja/smjera, uz mogućnost jedne promjene izbora programa obrazovanja/zanimanja/smjera.
- (7) Rang-lista svih kandidata i učenika primljenih u prvi razred objavljuje se putem Informacionog sistema za on-line prijave i upis u srednje škole kao i na oglasnoj tabli i web-stranici srednje škole.

Član 3.

(Uslovi za upis)

Upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljane i lica bez državljanstva u skladu sa Zakonom o srednjem obrazovanju.

Član 4.

(Konkurs)

- (1) Izbor kandidata za upis u srednju školu vrši se na osnovu ove odluke, koja je sastavni dio Konkursa za upis učenika u prvi razred srednjih škola.
- (2) Konkurs iz stava (1) i (4) raspisuje Ministarstvo.
- (3) Prvi konkurs za upis učenika u prvi razred srednjih škola u Kantonu Sarajevo javno se objavljuje, kao i na zvaničnoj web-stranici Ministarstva, najkasnije dva mjeseca prije početka naredne školske godine i otvoren je najmanje sedam radnih dana.
- (4) Ministarstvo raspisuje drugi konkurs za škole koje ne popune planirana mjesta u prvom konkursnom roku u skladu sa Planom upisa iz člana 2. ove odluke, najkasnije 15 dana prije početka školske godine i otvoren je najmanje tri radna dana.